



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

XXXIV.

**urn:nbn:de:hbz:466:1-11903**



tate Jesu Theologum, per quem à Divo Leopoldo Cæsare Augusto, istum antiquitatis thesaurum obtinuit, eum postea Regi Galliarum in grati animi tesseram obtulit.

Rector Universitatis † & proceres eleganti oratione Electori gratulantur, se atque Academiam Electori commendant. Pari elegantia respondet Elector, nec curæ sibi tantum rem literariam futuram, † sed quantis etiam cunque impensis è pulvere, quo temporum injuriâ tecta jacuit, splendori pristino restitutum. Fidem dictis atque votis speratâ dedit, postquam liberalissimis stipendiis, & vigilante curâ Academiam irrigavit, ut paulò post supra vota florere inceperit.

Monebant † transacta tempora, non solis promissis imperia stare, prætereà ampliora Urbis munimenta videbantur, quam ut semper impleri præsidio ex Civitatis re-  
ditibus possent. Ideò Elector, quod jam ante sæcula Adalbertus (a) fecerat, arcem extruere, ex qua tam protegi adversus violentiam boni, quam contineri mali possent, ac montem S. Petri munimentis circumdare aggressus est. † Prosperri-  
mis initiis Princeps Monasteriensis, Christophorus Bernhardus ex Hungaria supervenit. Ibi annonæ præfectus exercitibus Imperii de comeatu prospexerat, Princeps Heroicis virtutibus, præsertim re mi-  
litari

## XXXIII

*Universitas  
literaria Ele-  
ctorem exci-  
pit.*

*Eandem Ele-  
ctor restau-  
rat.*

## XXXIV

*Citadella Pe-  
trensium initi-  
atur.*

*Princeps  
Monasteri-  
ensis Electo-  
rem hic con-  
venit.*

(a) Vide supra ad Annum MCXXII.



*Electori iterum cives armat.*

*Lustrationē instituit.*

*De unita Sedi Erfordia ad Electorē gratulationes.*

**XXXV.**

*Electori Magistratus ordinat.*

*Vicedominus.*

litari per Europam celebris: Omni praesidio & Machinarum tonitru exceptus est: aliquot dies lætitiis insumptæ, præcipuum in nova munitione, suorum re votorum, delectamentum: postea Westphaliam repetiit: Elector ¶ ut civibus suis ostenderet non Imperium sibi violentum, sed quod Clementiâ consistit, placere, cives quæ reliquerant arma, resumere jubet, in foro convocat, paucis stipatus lustrat, ¶ totque millenis inermis se credit, quibus antea hostis videbatur; sed edocti jam de errore cives, quodque resisterint Principi, qui non libertati sed licentiæ ponere modum voluisse Victor ostendat. Incredibilis hinc animorum conversio, nec reliqua veteris morositatis studia, nisi forte penes quosdam obscuræ fortis, qui bonis publicis offensi, in rebus turbidis delectamenta quarunt. ¶ Sic iterum unita Sedi Erfordia. Cæsar, Reges, Principes Electori de felici successu gratulati sunt, etiam privatos ad eundem ausum Electoris humanitas provocavit. Ast ille prospera omnia non suæ virtuti, sed benignitati Numinis imputavit. Festivus ignes, arcus, & Triumphantis decora vetuit, quod reduxisset cives, quam triumphasse videri mallet.

Inter istos applausus non deposuit Elector pro Rep. curam. ¶ Ordinavit Magistratus: quæ statum concernunt, & publica, ¶ Vicedomino commisit, datis in cura-